

# ادبیات عمومی و تاریخی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۳ جاذی‌الآخر ۱۳۳۶ جمعه‌ایرتسی ۱۶ مارت ۱۹۱۸ نومرو ۲۸ — ۵۹

## تورک‌لرک منشأه وائر

تورک اقوام متقدمه و متأخره‌سی

زمان جهتیله میلاد اساس طوتیله‌رق تورک اقوامی ایکی قسمه تفریق ایده‌سیلیرز : قبل‌المیلاد تورک‌لر و یاخود تورک اقوام متقدمه‌سی ، بعد‌المیلاد تورک‌لر و یاخود تورک اقوام متأخره‌سی .  
تورک اقوام متقدمه‌سی حقیقده بر درجه‌یه قدر چین مورخینی بعض معلومات ویرمکده ایسه‌لرده اک زیاده معلومات ویرنلر یونانیلردر . قدیم مؤلفین یونانیه‌نک اک یکیزی اولان (سترابون) میلاددن یارم عصر اول تولد ایتیش اولدیغندن ، بو مؤلفک اثرنده ذکر اولنان اقوام ترکیه بحق متقدمیندن عد اولنه‌جفی کبی ذکر اولنمیانلر دخی متأخریندن معدود اولور . شوقدرکه بالجه‌له تورک اقوام قدیمه‌سی سترابونده مذکور اولمادیغندن ، بوکی اقوامدن ایجاب ایدنلر آریجه ذکر اولنه‌جقدیر .

یونانیلرک اسکی تورک‌لره (سکیت) نامی ویردکلرینی کوردک . دفعات ایله ایضاح ایله‌مش اولدیغمن اوزره بوتعبیرک تورکجه مقابلی (چیغاتای) و (چیغیل) در . (قیپچاق‌لر) دخی سکیتلرک بر قسمیدر .  
(سکیت) تعبیر قدیمی یرینه متأخرین زماننده وحتی زمانمزدده (تاتار) کلمه‌سی قوللانلقده‌در . فقط اولجه دخی اخطار ایله‌مش اولدیغمن اوزره بو (تاتار) تعبیر جدیدی ایله (تاتار) تعبیر قدیمی بیننده بویوک بر فرق واردر : قدیم تاتارلر چینک جهت شمالیه و (بایقال) یعنی (بای‌کول)ک جهت شرقیه‌سندمه بولونان تاتارستانک اهاالیسیدرکه آنلره (آق خانای) نامی دخی ویریلیر ایدی .

بالاده کوردلیکی اوزره یونانیلر (سکیت) عرقنه منسوب اولق اوزره بر طاقم اقوام و قبائل اسملری ذکر ایدرلرکه بونلرک اک مشهورلری اولق اوزره (سارماتلری) (جتلری) ، (داکلری) ، (میسینلری) و (تراکلری) ذکر ایله‌دک . وینه بالاده کورلمش اولدیغی اوزره (تراک) کلمه‌سی یونانیلرک عینیله (سکیت) کلمه‌سی کبی عرق و جنس اسمی اولق اوزره استعمال ایتیشلر و کرک طونه حوالیسینه روم ایلی‌ده ساکن اولان غرب تورکلرینی بونام ایله ازانه ایله‌مشلردر .

## رجوع

.....  
فقط بن آرتق اوکراه فکر وحس دکلم ؛  
بر ایتسامکنز ، ای آشنای مستثنا ،  
بوتون بو مسقط آمال عمرک اک مظلم  
کریوه سنده دلیل هدایت اولدی بکا ...  
فائق عالی

اوکون ینه هر زمانکی کبی هجرانکزی خیالکزه آوونمقی امیدیله باده دن بر نجات بکلیه رک  
استانبولک دار فقط قالابالق جاده لرندن برینه باقان برغازینوده اوطوریوردیم ...  
شکلسز بنارک حبس ابتدکی نظرلرمده قارلی و سیسلی طاغلرله سوسله نن اوزاق وخیالی اقلره  
براشتیاق متحسر واردی ؛ بومقسی محیطلردن ولویالاجی برتباعده اولسون اوزاقلاشمق ایستیوردیم ..  
اورالرده سزسرلکمک عذابریله یالکز قالمقده آجی بر ذوق تخیل ایدیوردیم . حافظه مده آرتق  
خیالکزی یاشاتمامقندن متولد بریورغونلق ، بئلکمده برحسسنلک ، بریابانجیلق واردی ....  
بردن ، ناصل اولدی بیلمم ، آنی برایقناظ تخطرله خیالم ده اوزاقلره ، پک باشقه یرلره ،  
برذوق وسفاهت بلده لره قدر کیتدی : نظر تخیلده رنگارنگ صفحات اذواقیله ، بر پارس ، برلوندیره  
حیات شعر وصنعتی جانلاندی ...

اورالرده حیات باشقه ایدی . اورالرده نور ، صنعت ، سفاهت ، هرشی وبالخاصه قالدین واردی .  
آرتق کوزلرم جاده ده قاینایان حیاتی باقدیفی حالده کورده مهین بر معناسزلقله بولانیوردی .  
فقط بر آن اولدی که بوتون حواسم جاده نک او بر اوجندن دونه رک قالدیرمده پروازلی بر رفتار  
ایله عادت اوجان بر نقطه ده طوپلانندی . یاقلاشدقچه خطوطنک نزاکت و نزاهتنی افشا ایدن بوسیه  
نقطه سزدیکز ؛ آلتنده اک سرسری ، اک سمارواز خیالرک بیله تصورنده اظهار نومیدی ایده جکی بر  
ثروت خیال ورؤیا وعد ایدن چارشافکزله سزدیکز ... قالدیرمدن سرعتله کچن سز ...  
ارتق خیالده اوبلاد نور وذهبدن برشی قالمادی ؛ مفکرهم ، حسیاتم ، حیاتم ، هرشیئم بر ظل  
خرامان کبی اریه فائب اولان سیاه چارشافکزدن عبارت اولدی . . . . سز بوسبوتون نظردن  
نهان اولورکن کوزلرم حذقه لرنده کی سیاه نوری غائب ایدیور صاندم ! ...

اوزمان اکلادم که : ضیا ، مدنیت ، صنعت ... سزسر هیچدر ؛ روح شبام هرشیدن اول سیاه  
چارشافلریکزه آیریلیرسم یاشایامام دین برارتباط ایله باغلی در ! ..  
وسز بوراده سکز ، اورالرده اولسه کز سز ، بوسز اولما به جقسکز ؛ سز ، سزلکدن چیقجه جقسکز ! ..  
او وقت بودار سوقاقلرک قانیور وپریشان قالدیرملرینی اوپدم . . سزک آیاقلریکزه حریم اولان  
بومبارک طوپراقلی قلم تقدیس ایتدی ..

زیرا سزسر اولدقندن صوکره اومنور بولوارلری اورقصان وپرطرب اوپرالری نه یاپایم ! ...

۲ مارت ۳۳۴

محسن نعیم